


大毘婆沙論

古籍

牙一百八十九

三百九十
動九

50621



阿毗達磨大毗婆沙論卷第一百八十九

動

五百大阿羅漢等造

三藏法師

玄奘奉

詔譯

見蘊第八中念住納息第一之三

若入正性離生苦集現觀各四心頃道現觀
三心頃法念住現在修未來修四一行相現
在修未來修四同分修非不同分滅現觀四
心頃法念住現在修即此未來修非初無漏
蘊滅觀即能修緣蘊道故一行相現在修未
來修四同分修非不同分以初得無漏種性
力未廣故道類智法念住現在修未來修四
同分不同分修一行相現在修未來修十六
已得無漏種性勢增廣故從此以上一切聖

者起未嘗得善根現在前時未來皆修四念
住十六行相惟除聞思所成慧及入滅定微
微心時餘一切異生又無聖行相是故從此
已後但說修念住多少不說行相
若諸異生離欲界染加行道時四念住隨一
現在修未來修四九無間道九解脫道時法
念住現在修未來修四如離欲界染乃至離
第三靜慮染亦爾離第四靜慮染若即以第
四靜慮為加行道時四念住隨一現
在修未來修四若以空無邊處近分為加行
諸有欲令彼近分地有別緣者彼加行道時
四念住隨一現在修未來修四九無間道八

解脫道時法念住現在修未來修四第九解
脫道時法念住現在修未來修三除身念住
諸有欲令彼近分地惟摠緣者彼加行道九
無間道八解脫道時法念住現在修即此未
來修第九解脫道時法念住現在修未來修
三除身念住如離第四靜慮染乃至離無所
有染亦亦差別者除身念住即諸異生起不
淨觀持息念身念住初三解脫入勝處前八
徧處及引發神境天眼天耳通時身念住現
在修未來修四起後三念住隨一現在修未
來修四起四無量引發宿住隨念通時法念
住現在修未來修四引發他心通時心念住

或受心法念住隨一現在修未來修四若起
無色解脫及後三念住時後三念住隨一現
在修未來修三除身念住若起空無邊處識
無邊處徧處時法念住現在修未來修三除
身念住是謂異生位所修差別
若諸聖者離欲界乃至非想非非想處染
一切加行道時四念住隨一現在修未來修四
一切無間解脫道時法念住現在修未來修
四信勝解練根作見至時解脫練根作不動
一切加行道時四念住隨一現在修未來修
四一切無間道解脫道時法念住現在修未
來修四若諸聖者起不淨觀持息念身念住

初三解脫八勝處前八徧處及引發神境天
眼天耳通及起詞無礙解時身念住現在修
未來修四若雜修靜慮及諸有欲令一切法
皆是勝義者起義無礙解辯無礙解願智邊
際定無色解脫入滅定想微細心時四念住
隨一現在修未來修四若起四無量宿住隨
念通及諸有欲令惟涅槃是勝義者起義無
礙解法無礙解無諍後二徧處空空無願無
願無相無相時法念住現在修未來修四若
引發他心通時心念住或受心法念住及起
後三念住時隨一現在修未來修四是謂比
處略毗婆沙

若修身念住彼受耶設修受念住彼身耶答
應作四句有修身念住非受謂已得身念住
現在前以曾得法現在前時無力能及未來
故不修受念住然現前是習修故說修身念
住問亦有未得身念住現在前不修受如未
曾得聞息所成身念住現在前時此中何故
不說答應說而不說者當知此義有餘有說
此中依修所成念住而作論無有未得修所
成身念住現在前時不修受念住者是故不
說有修受念住非身謂已得受念住現在前
若未得受念住現在前不修身若未得心法
念住現在前修受非身已得受念住現在前

者如前釋未得受念住現在前不修身者謂
諸異生離空無邊處乃至無所有處深若以
受念住為加行彼加行道時若諸異生起受
念住無色解脫時於如是時未得受念住現
在前修受非身未得心念住現在前修受非
身者謂諸異生離空無邊處乃至無所有處
深若以心念住為加行彼加行道時若諸異
生起心念住無色解脫時於如是時未得心
念住現在前修受非身未得法念住現在前
修受非身者謂諸異生離第四靜慮深最後
解脫道時離空無邊處乃至無所有處深若
依下根本地起法念住為加行彼加行道時

若依上近分地為加行諸有欲令無色近分
有別緣者若以法念住為加行彼加行道九
無間道九解脫道時諸有欲令無色近分惟
惣緣者惟第九解脫道時若諸異生起法念
住無色解脫又起後二徧處時於如是時未
得法念住現在前修受非身有俱修謂未得
身念住現在前若未得受念住現在前修身
若未得心法念住現在前修身受未得身念
住現在前者謂增長煖頂位身念住現在前
若離欲界乃至非想非非想處深身念住為
加行彼加行道時若信勝解練根作見至時
解脫練根作不動身念住為加行彼加行道

時若起不淨觀持息念身念住初三解脫八
勝處前八徧處引發神境天眼天耳通起詞
無礙解時若以身念住雜修靜慮時諸有欲
令一切法是勝義者彼起身念住義無礙解
及身念住辯無礙解願智邊際定無色解脫
定滅定想微細心時於如是時未得身念住
現在前修身後來得身念住現在前修身者
謂增長煥頂位受念住現在前時若離欲界
乃至非想非非想處深受念住為加行彼加
行道時若信勝解練根作見至時解脫練根
作不動受念住為加行彼加行道時若引發
他心通受念住現在前時若以受念住雜修

靜慮時諸有欲令一切法是勝義者彼起受
念住義無礙解及受念住辯無礙解願智邊
際定無色解脫入滅定想微細心時於如是
時未得受念住現在前修身受未得心念住
現在前修身受者謂增長煖頂位心念住現
在前時居離欲界乃至非想非非想處深心
念住為加行後加行道時若信勝解練根作
見到時解脫練根作不動心念住為加行彼
加行道時若引發他心通心念住現在前時
若以心念住雜修靜慮時諸有欲令一切法
是勝義者起心念住義無礙解及心念住辯
無礙解願智邊際定無色解脫入滅定想

微細心時於如是時未曾得心念住現在前
修身受未得法念住現在前修身受者謂初
煖位緣三諦增長煖緣四諦法念住現在前
時若初及增長頂緣四諦法念住現在前時
若一切忍及世第一法時若入正性離生苦
集道現觀各四心頃若離欲界乃至非想非
非想處染法念住為加行彼一切加行無間
解脫道時若信勝解練根作見至時解脫練
根作不動法念住為加行彼一切加行無間
解脫道時若引發他心通法念住現在前及
引發宿住隨念通起四無量時若以法念住
雜修靜慮時諸有欲令一切法是勝義者彼

起法念住義無礙解時諸有欲令惟涅槃是
勝義者彼起義無礙解法無礙解無諍後二
徧處空空無願無願無相無相時若起法念
住辯無礙解願智邊際定無色解脫入滅定
想微細心時於如是時未得法念住現在前
修身受有俱不修謂已得心法念住現在前
若未得法念住現在前不修身受一切染汚
心無記心在無想定滅盡定生無想天已得
心法念住現在前者如前釋未得法念住現
在前不修身受者謂初煖位緣滅諦若入正
性離生滅現觀四心頃若諸異生離第四靜
慮乃至無所有處染諸有欲令無色近分惟

揔緣者若上地近分爲加行彼一切加行道
九無間道八解脫道時於如是時未得法念
住現在前不修身受一切染污心者謂染污
心皆順退分性沉重懈怠相應要順勝進性
輕舉精進相應心方能修故無記心者謂無
記心其性羸劣腐敗萎歇要在強勢堅勝之
心方能修故在無想定滅盡定者謂彼無心
要有心者方能修故生無想者有說生彼於
一切時善心不起有說雖起而非修所依以
不能修未來法故於如是時不修身受問亦
有未得心念住現在前不修身受如未曾得
聞思所成心念住現在前時此中何故不說

答應說而不說者當知此義有餘有說此中
說未曾得心念住現在前時能修未來而不
修身受者無未曾得心念住現在前時能修
未來而不修身受者是故不說問若尔亦應
說一切散善心何故但說染汚心無記心耶
答應說而不說者當知此義有餘有說彼不
決定難用稱說謂若以修言之則彼無力能
修未來若以不修言之則現前時是習修攝
是故於此修不修中皆不說彼如身念住受
念住應知身念住心念住亦尔以未來受念
住心念住修不修必俱故
若修身念住彼法耶設修法念住彼身耶答

應作四句有修身念住非法謂已得身念住
現在前此如前釋有修法念住非身謂已得
法念住現在前若未得法念住現在前不修
身若未得受心念住現在前修法非身已得
法念住現在前者如前釋未得法念住現在
前不修身者謂初煥位緣滅諦若入正性離
生滅現觀四心頃若諸異生離第四靜慮染
諸有欲令空無邊處近分惟摠緣者若以彼
為加行彼加行道九無間道九解脫道時若
諸異生離空無邊處乃至無所有處染以法
念住為加行彼一切加行無間解脫道時若
諸異生起法念住無色解脫及起後二徧處

時於如是時未得法念住現在前不修身未
得受念住現在前修法非身者如前未得受
念住現在前不修身說未得心念住現在前
修法非身者即如受說有俱修謂未得身念
住現在前若未得法念住現在前修身若未
得受心念住現在前修身法未得身念住現
在前者如前未得身念住現在前說未得法
念住現在前修身者如前未得法念住現在
前修身受說未得受心念住現在前修身法
者諸增長煥頂位受心念住現在前時若離
欲界乃至非想非非想處染受心念住為加
行彼加行道時若信勝解練根作見至時解

脫練根作不動受。心念住為加行。彼加行道時若引發他心通受。心念住現在前時若以受心念住雜修靜慮時諸有欲令一切法是勝義者。彼起受心念住義無礙解及受心念住辯無礙解願智邊際定無色解脫入滅定。想微細心時於如是時未得受心念住現在前修身法有俱不修謂已得受心念住現在前一切染污心無記心在無想定滅盡定生無想天皆如前釋。

若修受念住彼心耶設修心念住彼受耶。若應作四句有修受念住非心謂已得受念住現有前有修心念住非受謂已得心念住現

在前皆如前釋有俱修謂未得身受心念在
現在前若未得法念在現在前修受心未得
身念在現在前者如前諸未得身念在現在
前說未得受心念在現在前者如前諸未得
受心念在現在前說未得法念在現在前修
受心者如前諸未得法念在現在前修餘念
在說有俱不修謂已得身法念在現在前若
未得法念在現在前不修受心一切染污心
無記心在無想定滅盡定生無想天未得法
念在現在前不修受心者如前諸未得法念
在現在前不修餘念在說餘如前釋
若修受念在彼法耶設修法念在彼受耶答

應作四句有修受念住非法謂已得受念住
現在前此如前釋有修法念住非受謂已得
法念住現在前若未得法念住現在前不修
受已得法念住現在前者如前釋未得法念
住現在前不修受者如前諸未得法念住現
在前不修餘念住說有俱修謂未得身受心
念住現在前若未得法念住現在前修受未
得身念住現在前者如前諸未得身念住現
在前說未得受心念住現在前者如前諸未
得受心念住現在前說未得法念住現在前
修受者如前諸未得法念住現在前修餘念
住說有俱不修謂已得身心念住現在前一

切染汚心無記心在無想定滅盡定生無想
天皆如前釋如受念住法念住應知心念住
法念住亦亦以未來受念住心念住修不修
必俱故

於身循身觀念住當言法智乃至廣說問此
文應先修而說所以者何以有自性乃可修
故而不先說者有何意耶答阿毗達磨應以
相求不以次第以阿毗達磨正欲分別諸法
性相但不違其義若先若後說皆無失有餘
師說欲顯此中惟分別修所成念住非聞思
所成等故先說修後明自性於身循身觀念
住當言法智謂知欲界繫及一分無漏色當

言類智謂知色界繫及一分無漏色不說他
心智者他心智知心心所法身念住惟知色
法故當言世俗智謂知一切色當言苦智謂
知有漏色作非常苦空非無我行相當言集
智謂知有漏色作因集生緣行相不說滅智
者滅智惟知無為法身念住知有為法故當
言道智謂知無漏色作道如行出行相此中
不說盡無生智者以此是見蘊但說諸見性
智彼智非見性是故不說顯自性已當顯地
當言有尋有伺謂依未至初靜慮當言無尋
惟伺謂依靜慮中間當言無尋無伺謂依上
三靜慮及四無色顯地已當顯相應當言樂

根相應謂依第三靜慮當言喜根相應謂依
初及第二靜慮當言捨根相應謂依未至靜
慮中間第四靜慮及四無色顯相應已當顯
行相當言空三摩地俱謂二行相當言無願
三摩地俱謂十行相不說無相三摩地俱者
如不說滅智說顯行相已當顯所緣當言緣欲
色界繫謂緣苦集當言緣不繫謂緣道於受
循受觀念任當言法智謂知欲界繫及一分
無漏受當言類智謂知色無色界繫及一分
無漏受當言他心智謂知欲色界繫及一分
無漏他相續現在前受當言世俗智謂知一
切受當言苦智謂知有漏受作非常等四行

相當言集智謂知有漏受作因等四行相不
說滅智者以受念住惟知有爲法故當言道
智謂知無漏受作道等四行相不說餘智者
如前釋顯自性已地相應行相皆如前說當
顯所緣當言緣三界繫謂緣苦集當言緣不
繫謂緣道如於受於心亦亦此二所緣常相
應故於法循法觀念住當言法智謂知欲界
繫諸行及彼因彼滅彼一切法智品當言類
智謂知色無色界繫諸行及彼因彼滅彼一
切類智品當言他心智謂知欲色界繫及一
分無漏他相續現在前除受及心餘心所法
當言世俗智謂知一切法當言苦智謂知五

取蘊作非常等四行相當言集智謂知有漏
因作因等四行相當言滅智謂知擇滅作滅
等四行相當言道智謂知無漏五蘊作道等
四行相不說餘智者亦如前釋顯自性已地
相應如前說當顯行相當言空無願三摩地
俱亦如前釋當言無相三摩地俱謂四行相
顯行相已當顯所緣當言緣三界繫謂緣苦
集當言緣不繫謂緣滅道如說受樂受時如
實知我受樂受此四智乃至廣說問何故此
中再度分別受心法念住一度分別身念住
耶答彼作論者意欲令故乃至廣說有說此
中世尊亦應作是說彼行住等時如實知我

行住等此四智乃至廣說而不說者有何意
耶答若法微細難見難覺不明了不現見者
則重分別身念住麤顯乃至現見故不重說
有說若依彼起種種不相似異相文句及異
相智者則重分別身念住若分別時文句不
異智亦不異故不重說問受樂受時則不如
實知如實知時則不受樂受所以者何受樂
受時彼受在現在非尔時能如實知不知相
應故無二心品俱行故如實知時彼受在過
去未來非尔時名受樂受無作用故苦受不
苦不樂受說亦尔佛何故說受樂受時如實
知我受樂受等耶有說此中應作是說受樂

受已如實知我已受樂受苦受不苦不樂受
已如實知我已受苦受不苦不樂受而不作
是說者有何意耶應知此中說已受名受於
過去說現在聲如說大王從何方來此說已
來名來又如說菩薩入正性離生時得現觀
邊世俗智此說已入名入彼亦如是尊者世
友說曰諸受在過去未來時則不可受在現
在時惟自性轉亦不可受云何說受樂受苦
耶當知彼觀樂苦眾具相續而說謂觀樂具
相續言我受樂觀苦具相續言我受苦復次
彼觀樂苦因緣相續而說謂觀攝受因緣相
續言我受樂觀損害因緣相續言我受苦復

次彼於諸受相續轉時中間數起彼境意識
便謂此於所依爲益爲損故言我今受樂受
苦大德說曰彼於樂苦受所依大種相續轉
中謂之爲受故言我今受樂受苦
如說受樂受時如實知我受樂受此四智謂
法類世俗道問何故此中不說他心智答他
心智知他相續心心所法此中如實智知自
相續心心所法是故不說復次他心智知現
在心心所法此中如實智知過去心心所法
復次他心智但知心心所法此中如實智亦
知心心所法所依所緣復次他心智一一法
緣此中如實智亦多法摠緣以是故不說他

心智問此中復何故不說苦集智耶有說此
中亦應說苦集智而不說者當知此義有餘
有說苦集智是厭行相智此中如實智是欣
行相智是故不說有說苦集智緣所厭事此
中如實智緣所欣事有說苦集智憎惡所緣
而轉此中如實智愛樂所緣而轉有說此中

說如實知有漏無漏心心所法然若無漏心心
所法無始數知又鹿近易了起世俗智即能
了知不待起無漏智是故無有捨世俗智而
以苦集智知者無漏心心所法昔來未知又
微細難了起無漏智乃能知之是故此中如
實知有漏心心所法惟世俗智如實知無漏

心心所法謂餘三智由此不說有苦集智有
說此中說如實知有漏無漏心心所法事差
別相彼有漏者起世俗智即知更不起苦集
智以難起故及起時但知摠相故彼無漏者
起世俗智不能知故便起道智然道智生雖
亦如前惟差別知然以摠知差別事故有
道智無苦集智有說此中說如實知有漏無
漏心心所法行相差別然有漏心心所法多
非緣諦行相設所有者亦未善成就故但以
世俗智作非諦行相如實知其行相差別無
漏心心所法皆是緣諦行相極善成就故還
以道智作諦行相如實知其行相差別是故

此中無苦集智不說盡無生智者此是見蘊
但說諸見性智彼非見性智是故不說此中
法智者謂知法智品樂受類智者謂知類智
品樂受世俗智者謂知有漏樂受道者謂
知無漏樂受雖無一樂受四智所知謂有漏
者以智知無漏者三智知然以摠說故言四
智如實知樂受者說無漏樂受四智所知受
苦受時如實知受苦受此一智諸世俗以苦
受惟有漏故世俗智知受不苦不樂受時如
實知受不苦不樂受此四智謂法類世俗道
如實知樂受說

阿毗達磨大毗婆沙論卷第一百八十九 動

腐敗
父上音

萎歇
下上烏為反



